



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **De Ervditione Religiosorum**

**Humbertus <de Romanis>**

**Ingolstadii, 1591**

**VD16 H 5888**

1. Desiderium claustralis manendi in monasterio.

[urn:nbn:de:hbz:466:1-50980](https://nbn-resolving.org/urn:nbn:de:hbz:466:1-50980)



ne euanescent: Nisi te instanter tenueris in timore Domini, cito subuertetur domus tua. Timor declinat pericula: quod multum valet ad conseruationem. In timore Domini declinatur *Pro. 16.* à malo.

*Quomodo ergo timor se habeat ad ceteras virtutes, ex prædictis perpulchrè patet inspicienti.*

TERTIA PARS. QVOD CLAVSTRALIS debet habere in desiderio, manere in monasterio.

CAPVT I.

SEQUITVR de ordinatione animi respectu locorum. Ad quem primo pertinet, vt is qui in religione est, non leuiter velit de monasterio egredi. Manere in monasterio, in desiderio habeat: egredi verò, in patientia; si obedientia vel charitas vel pietas hoc requirat. Discursus viri religiosi per mundum sine necessitate, nec Deo placet, nec ipsum decet, nec ei securus est. Ad primum pertinet illud: Dilexit mouere *Hier. 14.* pedes suos, & non quieuit, & Domino non placuit. Stabilitas virum religiosum decet, quæ est quasi quædam imago æternitatis. Seneca: *Epist. 2. circa prin.* Primum argumentum mentis compositæ, existimo, posse consistere & secum morari. Vir religiosus qui in claustro manere non potest, frequenter in mundo periclitatur. Semei, dum mansit in Hierusalem, vixit: postquam exiuit de Hierusalem, occisus est: Et Dyna filia Iacob egressa, *3. Reg. 2. Gen. 34.*



*Isa. 50.**1. Cor. 5.**Gen. 4.**Matth. 24.**Gen. 8.**Phil. 3.*

gressa, ut videret mulieres regionis illius, rapta est & corrupta. Dyna ratione sexus infirmi significat claustralem mente infirmum, qui de claustro egrediens, dum mundi concupiscibilia curiosè considerat, amore rapitur & corrumpitur. Piscis extra aquam positus, non diu vivit. Computrescent pisces sine aqua, & moriuntur in siti. Claustralis dum est in claustro bene ordinato, habet verba diuinæ Scripturæ, quibus vita spiritualis ipsius conseruatur. Cum autem discurret per mundum, aqua ista mutatur in sanguinem, scilicet in verba secularia: & sic occiditur. Corruptunt enim bonos mores colloquia praua. Abel egressus in agrum, occisus est: Simile accidit claustrali à claustro egredienti. Claustrales inquieti, sunt sydera errantia, de quibus legitur in canonica Iudæ. Sydera verò ista errantia, aliquando fiunt sydera cadentia. Postquam enim discurrendo per mundum, delitiis mundanis assueuerunt, & asperitas religionis eis in dissuetudinem venit: redeunt ad claustrum, claustralis vitæ asperitatem sustinere non possunt, & apostatæ fiunt: Cadent stellæ de cælo. Stella de cælo cadit, cum claustralis cœlestem conuersationem deferens, ad seculum redit. Coruus ab arca egressus, ad arcam non est reuersus. Cadaueribus enim est illectus. Sic claustrales per mundum discurrentes, aliquando amore carnalium deliciarum detinentur. Claustrales mundo familiares, sunt sicut aues cicures, quæ facile capiuntur. Viro religioso expedit, non solum ea quæ mundi sunt relinquere: sed etiam obliuisci. Quæ retro sunt obliuiscens,



uiscens, &c. Seneca: Vt animum possis contine- *Epist. 70.*  
 re, primum corporis tui fugam siste; deinde cō- *circa prim.*  
 tinuata remedia profunt plurimum. Interrum-  
 penda non est quies, & vitæ prioris obliuio. Si-  
 ne dediscere oculos, sine aures assuescere sanio-  
 ribus verbis; quocunque processeris, in ipso  
 transitu, quæ renouent cupiditates tuas, tibi oc-  
 current. Ad quietudinem monet Apostolus:  
 Rogamus vos fratres vt operam detis, vt quieti *1. Thess. 4.*  
 sitis. Item: Scitis quemadmodum oportet imi- *2. Thess. 3.*  
 tari nos, quoniam non inquieti fuimus inter  
 vos. Maximè oportet nouitios esse quietos, &  
 non citò egredi de monasterio. Seneca: Subdu- *Epist. 7. in*  
 cendus est populo tener animus, & parum te- *med.*  
 nax recti. Lucæ vlt. Sedete in ciuitate, donec in- *Exod. 2.*  
 duamini virtute ex alto. Legitur de patre Moy-  
 si, quòd vidit eum elegantem & abscondit. Sa-  
 piens: Nascendi hanc legem natura fecit, vt ma-  
 iora animalia visceribus parentum diutius con-  
 tinerentur. Sic multum valet ad hoc quod clau-  
 stralis proficiat, si in claustro diu moretur ante-  
 quam exeat.

*De ordinatione animi quantum ad locum  
 orationis.*

CAPVT II.

**O**Rdinandus est animus respectu locorum  
 monasterij. Ordinandus, quantum ad lo-  
 cum orationis, correctionis, refectionis, dormi-  
 tionis, & locutionis. Ad primam ordinationem  
 pertinet, vt is qui in religione est, ad locum ora-  
 tionis magnum amorem habeat: & ei magnam  
 reue-